



ԱՄԱՆՈՐԻ ԵՎ ՓՐԿՉԻ ՀՐԱՇԱՓԱՌ ՍՈՒՐԲ ԾՆՆԴՅԱՆ
ՏՈՆԵՐԻ ԱՌԹՎ ԿԱԹՈՂԻԿՈՍԱԿԱՆ ՏԵՂԱՊԱՀ, ՆՈՐԻՆ
ԱՄԵՆԱՊԱՏՎՈՒԹՅՈՒՆ Տ. ԹՈՐԳՈՄ ՊԱՏՐԻԱՐԷԻ ԵՎ
ՔՈՒՅՐ ԵԿԵՂԵՑԻՆԵՐԻ ՀՈԳԵՎՈՐ ՊԵՏԵՐԻ ՄԻԶԵՎ
ՓՈԽԱՆԱԿՎԱԾ ՈՂԶՈՒՅՆԻ ՀԵՌԱԳՐԵՐՆ ՈՒ
ԳՐՈՒԹՅՈՒՆՆԵՐԸ

Հոռմեական Կաթողիկ Եկեղեցու Քահանայապետ, Նորին Սրբություն
ՀՈՎՀԱՆՆԵՍ-ՊՈՂՈՍ Բ ՊԱՊԻՆ (Հոռմ),
Կոստանդնուպոլսի Հունաց Տիեզերական Պատրիարք, Նորին Սրբություն
ԲԱՐԹՈՂՈՄԵՈՍԻՆ (Ստամբուլ),
Մոսկվայի և համայն Ռուսաստանի Պատրիարք, Նորին Սրբություն
ԱԼԵՔՍԵՅ Բ-ԻՆ (Մոսկվա),
Ալեքսանդրիայի և համայն Աֆրիկայի Հույն Ուղղափառ Եկեղեցու Պապ և
Պատրիարք, Նորին Սրբություն ՊԱՐԹԵՆԻՈՍ Գ-ԻՆ (Կահիրե),
Երուսաղեմի Ուղղափառ Եկեղեցու Պատրիարք, Նորին Սրբություն
ԴԻՈԴՈՐՈՍԻՆ (Երուսաղեմ),
Ղպտի Ուղղափառ Եկեղեցու Պատրիարք, Նորին Սրբություն
ԱՄԲԱ ՇԸՆՈՒԴԱ Գ-ԻՆ (Կահիրե),
Համայն Եթովպիայի Պատրիարք, Նորին Սրբություն
ԱԲԲԱ ՄԵՐԿՈՐԻՈՍԻՆ (Ադիս Աբեբա),
Հնդկաստանի և Արևելքի Մալաբար Եկեղեցու Կաթողիկոս, Նորին Սրբու-
թյուն ԲԱՍԻԼԻՈՍ ՄԱՐ ԹՈՄԱ ՄԱՏԹԵՈՍ Ա-ԻՆ (Բոթաչամ),
Համայն Վրաց Պատրիարք-Կաթողիկոս, Նորին Սրբություն
ԻԼԻԱ Բ-ԻՆ (Թբիլիսի),
Ռումին Օրթոդոքս Եկեղեցու Պատրիարք, Նորին Սրբություն
ԹԵՈԿՏԻՍՏԻՆ (Բուխարեստ),
Բուլղար Օրթոդոքս Եկեղեցու Պատրիարք, Նորին Սրբություն
ՄԱՔՍԻՄԻՆ (Սոֆիա),

Անտիոքի Ասորի Ուղղափառ Եկեղեցու Պատրիարք, Նորին Սրբություն
ԻԳՆԱՏԻՈՍ ԶԱԶԶԱ Ա ԻՎԱՍԻՆ (Դամասկոս),
 Անտիոքի և համայն Արևելքի Հույն Կաթոլիկ Եկեղեցու Պատրիարք, Նորին
 Սրբություն **ՄԱՔՍԻՄՈՍ Ե ՀԱՔԻՄԻՆ** (Դամասկոս),
 Անտիոքի Ասորի Կաթոլիկ Եկեղեցու Պատրիարք, Նորին Սրբություն
ԻԳՆԱՏԻՈՍ ԱՆՏՈՒԱՆ ՀԱՅԵՔ Բ-ԻՆ (Բեյրութ),
 Անտիոքի և համայն Արևելքի Հույն Օրթոդոքս Եկեղեցու Պատրիարք, Նորին
 Սրբություն **ԻԳՆԱՏԻՈՍ Գ-ԻՆ** (Դամասկոս),
 Քենթրբերիի Արքեպիսկոպոս, համայն Անգլիայի եպիսկոպոսապետ և միտ-
 րոպոլիտ, Նորին Գերաշնորհություն **ԶՈՐԶ ԿԱՐԵՅԻՆ** (Լոնդոն),
 Աթենքի և համայն Հելլադայի Արքեպիսկոպոս, Նորին Գերաշնորհություն
ՍԵՐԱՖԻՄԻՆ (Աթենք),
 Սերբիայի և համայն Հարավսլավիայի Պատրիարք, Նորին Սրբություն
ԳԵՐՄԱՆԻՆ (Բելգրադ),
 Վարշավայի և համայն Լեհաստանի միտրոպոլիտ, Նորին Գերաշնորհու-
 թյուն **ՎԱՍԻԼԻՆ** (Վարշավա),
 Պրահայի և համայն Չեխոսլովակիայի միտրոպոլիտ, Նորին Գերաշնորհու-
 թյուն **ԴՈՐՈՖԵՅԻՆ** (Պրահա),
 Կիպրոսի Արքեպիսկոպոս, Նորին Գերաշնորհություն
ԽՐԻՍՈՍՏՈՄՈՍԻՆ (Նիկոզիա),
 Անտիոքի Մարոնիտ Պատրիարք, Նորին Ամենապատվություն
ՄԱՐ ՆԱՍՐԱԼԼԱ ԲՈՒՏՐՈՍ ՍՖԵՅՐԻՆ (Բքերքե),
 Մխիթարյան ուխտի ընդհանուր Աթոռակալ Հայր
ԳԵՈՐԳ վարդապետ ՊԱԼՅԱՆԻՆ (Վենետիկ),
 Մխիթարյան ուխտի աբբահայր, Գերապալծառ Հայր
ՊՈՂՈՍ վարդապետ ԳՈՃԱՆՅԱՆԻՆ (Վիեննա),

Հայաստանյայց Առաքելական Սուրբ Եկեղեցին, քրիստոնյա բոլոր Եկե-
 ղեցիների հետ միասին, Նոր Տարեմուտի այս ժամանակաշրջանին, տոնում
 է մեր Փրկչի՝ Հիսուսի Քրիստոսի Սուրբ Ծննդյան ավետաբեր տարեդարձը՝
 հուսալով և մաղթելով, որ խաղաղություն կտիրի ամբողջ աշխարհին ու
 մարդկության:

Ծնորհավորելով Ձեզ Փրկչի Սուրբ Ծննդյան և Աստվածահայտնության
 կրկնակ տոների առթիվ, սրտանց կմաղթենք, որ Երկնային Տերը ծաղկեցնե
 Ձեր հովվապետական գավազանը և պտղառատ դարձնե Ձեր կյանքը՝ քաջ-
 առողջ երկար ու խաղաղ տարիներով՝ ի մխիթարություն Ձեր ժողովրդյան և
 հուրախություն համայն աշխարհի:

Եղբայրական ջերմ սիրով ի Քրիստոս,
 Ձեզ աղոթակից՝

ԹՈՐԳՈՄ ԱՐՔԵՊԻՍԿՈՊՈՍ ՄԱՆՈՒԿՅԱՆ
 ԿԱԹՈՂԻԿՈՍԱԿԱՆ ՏԵՂԱՊԱՀ

Ս. Էջմիածին

*
* *
*

Ի պատասխան Կաթողիկոսական Տեղապահի՝ Ամանորի և Փրկչի հրաշափառ Սուրբ Փննդյան շնորհավորական գրությունների, ստացվել են քույր Եկեղեցիների կրոնական պետերի և կրոնական այլ համայնքների ու կազմակերպությունների ղեկավարների կողմից այդ առթիվ ուղարկված ջերմագին շնորհավորական հեռագրեր ու գրություններ, որոնցում մի անգամ ևս պայծառորեն արտահայտվում է քրիստոնեական սիրո, եղբայրության ու համագործակցության ոգին քույր Եկեղեցիների ու կրոնական այլ համայնքների և կազմակերպությունների միջև:

Հանուն Կաթողիկոսական Տեղապահի ջերմ շնորհակալություն ենք հայտնում ստացված պատասխան շնորհավորականների համար:

